

## 1 informaziuns y termins

**KVW Senioreclub:** en dedemesaledema ai 11 de ma ván a Neustift a vijité le tloster y la dljia con na guida. An peia ia ales 13:30 con le bus dal Cone demez. Preitambel s'anunzié pa Lidia Taibon, ☎ 339 7899107.

**Kmb - Uniun dai Ei:** en vendres ai 13 de ma vegnel tigní la prozesciun con linternes (da se tó empara) da Porsenú a Neustift. An peia ia ales 21:00 sön plaza d'l'Aquarena. Ales 22:00 él na santa messa te dljia da Neustift. L'Uniun dai Omi dla Val Badia envieia düc i ei a tó pert. Al ven organisé n bus: informaziuns y prenotaziuns cina en jöbia ai 12 de ma pa Salvester Vittur, ☎ 333 7247516.

**Bezirkswallfahrt der Bäuerinnen des Pustertals:** am Donnerstag, den 12. Mai von Bad Salomonsbrunn zur Pfarrkirche Sankt Walburg in Antholz-Niedertal. Treffpunkt um 13:30 Uhr Bad Salomon. Feier der Eucharistie mit Pfarrer Cassian Lohmar. Anschliessend kleine Marende im Vereinshaus Antholz-Niedertal. Unkostenbeitrag 5,00 €. Anmeldungen bis Sonntag, den 8 Mai, ☎ 340 3455675.

**Comun de Mareo:** le Comun lascia alessei che al ven chirí 3 porsones por sté d'isté ete pro le daz da jí a Pederü. Les domandes é da dé jö te Comun anter les 11:30 dai 20 de ma 2016.

**Biblioteca:** la biblioteca "Angelo Trebo" y le Zenter Families Mareo organisa en jöbia ai 12 de ma ales 20:00, te biblioteca d'Al Plan, na sera da s'la cunté por ingleje.

**Puberté - referat:** le Consei de Formaziun de Badia met da jí en lönesc ai 11 de ma, ales 20:00 tla Ciasa J.B. Runcher a Badia, n referat con Christa Ladurner, Soziologa dal Forum Prävention dal titul "Pubertät – der ganz normale Wahnsinn". La referenta jará ete sön tematices liades ala puberté, desco p. ej. le lian gonot destanzié danter geniturs y mituns, contac con amisc, müdaziun dal corp, formaziun dla personalité y dará conseis pratics por afronté con serenité cösta eté particulara.

**Camper dal Zenter Consumadusc,** a La lla sön Plaza dla Ciasa de Cultura, en vendres ai 13 de ma, dales 9:30 ales 11:30. I ciafeis conseis sön l'energia, sön les assicuraziuns, sön les banches, sön i prisc, paiamont dla televijiun, cunc dla telecom. Al ven ince moseré la cualité dal handy y dai vidlès da soredl.

**Udienza dla defensuria zivica** Dr. Gabriele Morandell o de söa vize Dr. Verena Crazzolaro, en vendres ai 13 de ma dales 14:30 ales 16:00, a San Martin te Ciasa de Comun. Info ☎ 0471 301155.

**Mütter tragen ihre Kinder durch den Morgen;  
Kinder sollen ihre Mütter durch den Abend tragen.**

<b>Döt le bun a:</b>	Emma Frontull ved. Ellecosta	* 09.05.1917
	Anna Konrater ved. Palfrader	* 09.05.1923
	Paola Brandlechner, <i>San Martin</i>	* 10.05.1926
	Irma Daporta Barth, <i>Graz</i>	* 13.05.1923

y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



# Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 Mhz

UNITÉ PASTORALA



VAL BADIA  
www.unitepastorala.org

Ann C

08.05.2016 – PALSACRUSC  
GRAN FESTA DL'ASCENSIUN DAL SIGNUR -

n. 24

## La prezenza de Gejú Crist

☞ St.Ap 1, 1–11 | Ef 1, 17–23 | Ebr 9, 24–28; 10, 19–23 | Lc 24, 46–53

### Dal Vangelo do San Lúca:

Te chel tomp <sup>46</sup>ti á Gejú dit a sü discepui: Ensciö stál tla Scritöra: Le Messia sofriará y ressoriará dai morc le terzo dé, <sup>47</sup>y te so ennom ti encündarán a düc i popui, da meterman te lerúsalem, che ai dess dé ota, por che sü picés vegnes pordenés. <sup>48</sup>De cösc seise os mi testemoni. <sup>49</sup>Y iu ves orciará jö sön os la scincunda che mio Pere ves á empormetü. Romagnede tla ciüté, cina ch'i ne gneis nia emplís con la forza dal alt. <sup>50</sup>Spo i ál condüt fora dlungia Betánia. Danló ál alzé söes mans y i á benedí. <sup>51</sup>Y dertan ch'al i benedia, i ál lascé y é gnü alzé sö cuntra ci. <sup>52</sup>Mo ei s'á enlené a l'adoré. Spo éesai jüs con gran ligreza derevers a lerúsalem. <sup>53</sup>Y ai ea tres tal templ y laldâ Idio.

### I ponsun do

*Gonot ponsunse do, ci ch'i desson fá por che la Parora dal Vangelo podess slarié fora söa forza de vita te nostes families, te nosta comunité y sora döt le monn. La Parora de Gejú a sü discepui se dij ch'i n'án nia bria da se lascé ma sön la forza umana, mo al s'empormet na forza dal alt. Deache i ciafun cösc aiüt, podunse encündé la Parora de Chelbeldio con ligreza.*

### I periun

*Dio onipotent, to Fi jü al Ci romagn pa nos tla comunité dla Dlijia. Dasse creta tal aiüt dal Spirit Sant y deidesse ester testemoni de Crist. Por El, co vir y regneia con tè t'eternité.*

Wilhelm Egger "Sonntagsbibel"



☞ Letöres dla Gran Festa de Pasca de Ma:

**St.Ap 2, 1–11 | 1 Cor 12, 3b–7.12–13 | Gal 5, 16–25 |  
Jan 20, 19–23 | Jan 15, 26–27; 16, 12–15**

Edema liturgica dai 08.05. ai 15.05.2016

<b>DOM 08.</b>	<b>GRAN FESTA DL'ASCENSIUN DAL SIGNUR PALSACRUSC - DE DLA OMA</b> <i>beata Ulrika Nisch, Friedrich, Ulrich, Ida</i>
<b>08:30</b>	<b>gran messa</b> ciantada por dōta la ploania ♫ Charles Gounod, "Missa brevis in C" <i>oferta por i debojūgns dla ploania</i>
10:00	s.m. a Al Plan
<b>Lön 09.</b>	<i>Beatus, Theresia</i>
<b>▶ 19:30</b>	<b>corona</b> con y por i mituns y les mitans dla Prōma S. Comuniun
<b>Ded 10.</b>	<i>Damian de Veuster, Gordianus y Epimachus</i>
<b>07:30</b>	<b>s.m.</b> por + Jep Konrater, Biei defora <b>s.m.</b> por vis y +ti de Sotró
<b>Dem 11.</b>	<i>Walter, Joachim, Gangolf</i>
18:00	s.m. a Al Plan
<b>Jōb 12.</b>	<i>Nereus y Achilleus, Pancrazius, Imelda</i>
<b>19:30</b>	<b>s.m.</b> por + Vigile Ellecosta, Taibun <b>s.m.</b> por + Maria Willeit, Sotró
<b>Ven 13.</b>	<i>memoria de Santa Maria da Fatima, Servazius, André</i>
07:10	s.m. a Al Plan
<b>Sab 14.</b>	<i>Bonifazius, Matia, Christian</i>
<b>07:30</b>	<b>s.m.</b> por + Iuliana Maneschg Erlacher, Plaza <b>s.m.</b> por + Maria Ellecosta ved. Erardi, Longega <b>s.m.</b> por + Berto Ellecosta, Longega
<b>14:00</b>	<b>s.m. da noza de Annamaria Erlacher y Tobias Clara</b>
18:00	s.m. prefestia a Al Plan
<b>DOM 15.</b>	<b>GRAN FESTA DE PASCA DE MA</b> <i>Sofia, Sonia, Isidor, Friedrich</i>
<b>08:30</b>	<b>"Veni creator", gran messa</b> ciantada solena por dōta la ploania <b>ores d'adoraziun:</b> do messa cina les 10:30 Curt, 10:30 - 11:30 La Pli, 13:00 - 14:00 Pliscia <i>oferta por i debojūgns dla ploania</i>
10:00	s.m. a Al Plan
<b>14:00</b>	<b>espi da festa</b> y benediscun eucaristica
<i>ampola:</i>	por fam. Ivan y Franca Sorá
<i>ministronc:</i>	▶ da doman y domegna: Filip Taibon y Markus Erlacher ▶ da sera y domegna: Armin Winkler y Armin Taibon
<i>i recordun:</i>	Jep Pedevilla + 09.05.2009



Iubileo Straordinar dla Misericordia: 8.12.2015 – 20.11.2016 (11)



Sot la crusc é Maria adöm a Jan, le discepl dal amur, testimoni dles parores de pordonn co é gnüdes jö dai slef de Gejú. Cōsta forma plü sterscia de pordonn por chi co l'á motü sōn la crusc nes mostra tan ennant che la misericordia de Dio pó roé. Maria confermeia che la misericordia dal Fi de Dio ne conesc nia confins y arjunj vignōnn zonza slü fora zacai. I jun da era con la oraziun tan vedla y dagnora nea dal "Salve Regina", por che ara ne se stanci mai da oje sōn nos sū edli plens de misericordia y nes feji degns da contemplé le müs dla misericordia, so Fi Gejú.

Papa Francesco "Misericordiae vultus"



**Ponsier por la festa dla oma**

Una società senza madri sarebbe una società disumana, perché le madri sanno testimoniare sempre, anche nei momenti peggiori, la tenerezza, la dedizione, la forza morale. Le madri trasmettono spesso anche il senso più profondo della pratica religiosa: nelle prime preghiere, nei primi gesti di devozione che un bambino impara, è iscritto il valore della fede nella vita di un essere umano. È un messaggio che le madri credenti sanno trasmettere senza tante spiegazioni: queste arriveranno dopo, ma il germe della fede sta in quei primi, preziosissimi momenti. Senza le madri, non solo non ci sarebbero nuovi fedeli, ma la fede perderebbe buona parte del suo calore semplice e profondo.

Carissime mamme, grazie, grazie per ciò che siete nella famiglia e per ciò che date alla Chiesa e al mondo.

Papa Francesco, 7 gennaio 2015



**Vita de ploania y de paisc**



**"Signur, confermeia söa empormetüda d'amur önn por l'ater."**

La ploania i fej les miús aodanzes de benediscun y fortuna ai nüc **Annamaria Erlacher y Tobias Clara** co se dá adöm tal sacramont dal matrimone en sabeda ai 14 de ma a La Pli.

**S'arjigné ca al Bato:** l'Uniun dles Eres Catoliches dal decanat envieia düc i geniturs co á na creatōra da bacé, pers co aspeta, toc y totes ala preparaziun dal Bato, en **sabeda ai 14 de ma** dales 15:00 ales 17:00, te Ciasa dles Uniuns a **La Pli**. Prenotaziuns ☎ 328 0717796.

- **Joneza:** en **dedemesaledema ai 11 de ma**, ales 19:30, sarál Jan de Lüchesc co se met a disposizun da insegné cō **porté i confaruns**. Chi co ess ligreza da emparé da porté n confarun é der bel enviés da gní!
- **La Musiga:** la Musiga d'La Pli envieia der bel al **concert de Pasca de Ma**, ai 15 de ma, ales 20:30, te Ciasa dles Uniuns.